



### **Damondas da baghegiar**

Nr. 31/2022

Datum da publicaziun: 25-03-2022  
Patrun: Tuor Carli, 7172 Rabius  
Liug e parcella: Rabius-Via Sursilvana; 296  
Object: construcziun d'in mir da crappa, cuvierer plaz cun sulada e renovar las stanzas el plaun terren

Nr. 32/2022

Datum da publicaziun: 25-03-2022  
Patrun: Wüst Samuel, 7172 Rabius  
Representant: Rafael Guldemann GmbH, 7166 Trun  
Liug e parcella: Rabius-Via Sursilvana; 320  
Object: installar ina pompa da calira

Nr. 33/2022

Datum da publicaziun: 25-03-2022  
Patrun: Castiglioni-Pfrunder Michael, 8610 Uster  
Representant: Cahannes architectura, 7157 Siat  
Liug e parcella: Sumvitg-Via Crest da Cauras; 4110  
Object: sanaziun interna, novas installaziuns electricas e sanitaras, niev scaldament ed nova izolaziun dil tetg

Ils profils ein tschentai ed ils plans da construcziun ein deponi tier la canzlia communal.  
L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 25-03-2022

*Cumissiun da baghegiar*

### **Votaziun ed elecziuns communalas diils 10-04-2022**

**L'urna ei aviarta** (en canzlia communal)

gievgia e venderdis mintgamai duront las uras da spurtegl  
dumengia, ils 10-04-2022, dallas 10.00 – 11.00 uras

**Sonda e dumengia, ils 9 e 10 d'avrel 2022 mintgamai avon il survetsch divin en las fracziuns.**

Ils cedels da votar ein vegni distribui. Tgi ch'ei aunc buc en possess da tals ei supplicaus da s'annunziar tier l'administraziun communal.

**Adatg!**

**Il certificat da legitimaziun ei adina da presentar. Tier votaziuns cun posta ei il certificat da legitimaziun da suttascriber. Senza suttascripziun ei la votaziun nunvaleivla. Nus supplichein da consultar las informaziuns che Vus anfleis sin la cuviarta e sil certificat pil dretg da votar.**

Sumvitg, 25-03-2022

*Biro electoral*

## **Candidats proponi per elecziuns communalas**

**(perioda d'uffeci 2022 – 2025)**

Tenor art. 22 dalla lescha da votaziuns ed elecziuns ein las suandontas candidaturas vegnidas annunziadas entochen ils 15 da mars all'administraziun communalala. La successiun dils numms se presenta cheu sut sco previda ella lescha tenor alfabet.

<b>President communal</b>	Cathomas Marc, Surrein (niev) Schaniel Patrick, Sumvitg (niev)
<b>Geraus</b>	Bearth Rest Andriu, Sumvitg (niev) Cathomas Cornelia, Surrein (niev) Huonder Gion Battesta, Cumpadials (niev)
<b>Cumissiu da quen e gestiu</b>	Bearth Andri, Rabiun (niev) Damiano Michele, Rabiun (veder) Vincenz Rafaela, Sumvitg (veder)
<b>Cumissiu da baghegiar</b>	Decurtins Samuel, Rabiun (niev) Deplazes Otto, Surrein (niev) Forster Ulrich, Surrein (veder) Monn Erwin, Sumvitg (veder)

Sumvitg, 25-03-2022

*Suprastonza communalala*

## **REFERENDUM FACULTATIV**

La radunonza communalala dils 22 da mars 2022 ha priu denter auter ils suandonts conclus:

- *Tractaziun ed approvaziun dil project habitaziuns casa da scola Sumvitg e concessiun dil credit brut da 985'000 francs*
- *Tractaziun ed approvaziun dil project Salischnas e concessiun dil credit brut da 821'000 francs*

Sura conclus ein sutapposts al referendum facultativ tenor art. 30 al. 2 dalla constituziun communalala. Il termin da tschaffar il referendum terminescha cun datum dils 14-04-2022. Il referendum sa buca vegnir retratgs.

Sumvitg, 25-03-2022

*Suprastonza communalala*

## **Vignettas da mopeds**

La vignetta da mopeds 2022 sa vegnir retratga tier l'administraziun communalala. La taxa munta **frs. 38.55**.

Sumvitg, 25-03-2022

*Administraziun communalala*

## Uras da telefon administraziun communal

A caschun dalla radunonza communal dils 22 da mars 2022 ei il project habitaziuns casa da scola Sumvitg vegnius approbaus. Las lavurs vegnan lantschadas gliendisdis, **ils 28 da mars 2022**.

Muort las emissiuns da canera entras las lavurs eis ei vegniu decidiu da fixar uras da telefon durent las qualas las emissiuns da canera vegnan reducidas per aschia possibilitar da telefonar cull'administraziun communal. Per il proxim temps ei l'administraziun communal consequentamein contonschibla per telefon sco suonda:

- **Gliendisdis entochen venderdis naven dallas 10.00 entochen las 12.00 uras.**

Las uras da spurtegl vegnan buc adattadas.

Nus sperein per Vossa capientscha. Per damondas stein nus bugen a Vossa disposiziun.

Sumvitg, 25-03-2022

*Administraziun communal*

## Serrada via Val Sumvitg

Ord motivs da segirtad resta la via Val Sumvitg **serrada** naven d'immediat sil tschancun da Val anen per tut traffic.

Sumvitg, 25-03-2022

*Departament traffic*

## Lenna da brisch 2022

La vischnaunca da Sumvitg offerescha a vischinas e vischins la cumpra da lenna da brisch sco suonda:

### **Pégn**

Igniu

55.00 frs/m<sup>3</sup>

### **Lenna da feglia**

Igniu

(mischedau, senza fau)

75.00 frs/m<sup>3</sup>

Il quantum da lenna da feglia (ogna e fraissen) ei limitaue e vegn partius si tenor las annunzias.

Auters loghens sin damonda.

Ils prezis secapeschan excl. taglia sin plivaleta. Cundiziuns da pagament ein 30 dis net.

Bugen offerin era lenna resgiada, fendida e transports tochen a casa.

Interessents san annunziar lur empustaziuns a scret agl Uffeci forestal Sumvitg, Via Quadras Su 10, 7175 Sumvitg, ni e-mail: [uffeci.forestal@sumvitg.ch](mailto:uffeci.forestal@sumvitg.ch), ni per telefon (081 920 25 06). Las empustaziuns ston succeder entochen sil pli tard venderdis, ils **8. d'avrel 2022**.

Bien engraziament per Vossa empustaziun!

Sumvitg, mars 2022

*Il selvicultur da revier  
Beat Cadruvi*

## Uras d'avertura deponia da verd Igniu e deponia da plastic

La deponia ei aviarta naven da sonda, ils 26 da mars 2022 sco suonda:

- mardis: 17.00 – 20.00 uras
- gievgia: 17.00 – 20.00 uras
- sonda: 09.00 – 12.00 uras

Il suandong ei lubiu da dismetter:

Deponia da caglias

- caglias e roma cun diameter sur 4 cm
- bests da plontas
- pignola senza material jester

Deponia da verd

- roma, dascha e caglias cun diameter entochen 4 cm
- fluras
- tagl da pastget e prau
- fein e strom
- feglia, zercllem e puma curdada
- fluras da balcon e da ruogs cun tratsch, denton senza ruog
- curdems da preparar fretgs, puma e legums
- cordas e sacs cumpostibels
- scorsa
- resgem e stialas da lenna buca tractada
- crosas d'ovs
- fundagl da caffè e jarvas da te

Ulteriuras informaziuns ein disponiblas sin la pagina d'internet [www.sumvitg.ch](http://www.sumvitg.ch). Nus supplichein per enconuschientscha e capientscha.

Sumvitg, 25-03-2022

*Departament ambient*

## Societad da tir Vial Sumvitg

Invitaziun alla radunonza generala che ha liug **venderdis, ils 25 da mars**, ell'ustria «Greina» a Rabius allas 20.00. Cordialmein envida la suprastonza e cumissiun da tir. *Societad da tir Vial Sumvitg*

## Uniun purila Sumvitg

### Invitaziun

Preziadas commembras, preziai commembers, nossa radunonza generala dall'uniun purila ha liug ils 29 da mars allas 20.00 ell'ustria «Greina» a Rabius. La gliesta da tractandas ed il protocol dalla davosa radunonza vegnan tarmess tier per e-mail ni per posta a mintga commember/-bra. A stedia participaziun envida *Vus la suprastonza*

## **Uniun da catschadurs Greina**

**Invitaziun alla radunonza generala, venderdis, ils 1-4-2022**, allas 20.00 ell'«Ustria dalla staziun», Sumvitg. Bugen envidein nus tei alla radunonza cun las suandontas tractandas:

### **Gliesta da tractandas:**

1. Beinvegni ed appel
2. Elecziun da dus dumbravuschs
3. Approbaziun dalla gliesta da tractandas
4. Protocols:
  - a) radunonza generala
  - b) radunonza avon catscha
5. Rendaquen:
  - a) cassa dall'uniun
  - b) cassa da tgira
6. Fixar las contribuziuns annualas
7. Rapports annuals:
  - a) president
  - b) cau da tgira
8. Mutaziuns
9. Elecziuns:
  - a) actuar
  - b) cau da tgira
10. Program annual
11. Taxas per il stan da sittar
12. Orientaziun da catscha entras nies guardiaselvaschina Andriu Degonda
13. Varia

Nus selegrein gia ussa da seveser cun tei a caschun da nossa radunonza generala. Per ulteriuras damondas stat president Beni bugen a disposiziun: Beni Cathomas, Via Davos-Baselgia 18, 7031 Laax, Tel. 079 406 70 33

## **Casa s. Martin, Trun**

**Suentermiezdi da viseta per in e scadina!**

**Sonda, ils 2 d'avrel**, dallas 13.00 entochen allas 17.00 Mira sut Trun!